

叢書集成初編所選藝海珠塵  
及滂喜齋叢書皆收有此書藝  
海本在前故據以排印間有譌  
脫則用滂喜本校勘

# 卦本圖考

續溪胡秉虔學

爻主動。動則變。乾動則變坤。坤動則變乾也。其有一爻變者。如左傳所載觀之否師之臨類。觀四爻動則變否。師初爻動則變臨也。至于一卦之內兩爻互易。如象傳所言剛柔上下者。先儒亦謂之卦變。以繫辭傳有云。上下无常。剛柔相易。不可爲典要。唯變所適故耳。朱子云。就卦已成後用意推說。以見此爲自彼來。非真先有彼卦而後有此卦也。又云。若論伏羲畫卦。則六十四卦一時俱了。雖乾坤亦無能生諸卦之理。若如文王孔子之說。則縱橫曲直。反覆相生。無所不可。又云。非是聖人合下作卦如此。自是卦成了。自然有此象。其說精矣。但謂縱橫曲直。反覆相生。無所不可。似乎說得太寬。故本義於卦變歌十九卦之外。又有云。又自某卦某卦而來者。東牽西曳。茫無畔岸。未免啓後人憑肌說經之漸。今詳考諸儒之說。案之於經。是者從之。漢人解易。多云此本某卦。或云此卦本某。今亦依用。遂命曰卦本圖考云。

三三乾 九家易曰。乾純陽。衆卦所生。

陸德明經典釋文敘錄云。荀爽九家集注十卷。不知何人所集。稱荀爽者。以爲主故也。其序有荀爽、京房、馬融、鄭玄、宋衷、虞翻、陸績、姚信、翟子玄。案李鼎祚集解引作九

家易，尔子本義引作荀九家。

䷁ 坤

九家易曰：坤純陰，配乾生物。

䷖ 剝

此本乾坤卦。盧氏云：乾體而坤來剝，故曰剝。虞氏曰：陰消乾，即北魏國子博士盧景裕也。魏書云：字仲儒，范陽

涿人。注周易，除國子博士。虞氏名翻，字仲翔，會稽餘姚人。漢末爲郡功曹，後仕吳。

䷗ 復

此本坤卦。坤體而乾來復，故曰復。虞氏曰：陽息坤。

凡一陽五陰之卦，自剝復來。

䷆ 師

蜀才曰：此本剝卦，上九降二，六二升上，剛中而應，行險而順也。蜀才非姓名也。經典釋文敘錄引蜀書云：姓范，名長生，一名賢，隱居

青城山，自號蜀才。李雄以爲丞相。又晁公武讀書志云：蜀才世多不知顏之推，曰：即范長生也。李雄稱長生爲范賢，見華陽國志。

或曰：此本復卦，震爲行，坎爲險，坤爲順。

初二互易，震變坎，而坤不動，故行險而順。

䷋ 謙

侯氏曰：此本剝卦，乾之上九來居坤三，天道下濟而光明也。坤之六三上居乾位，地道卑

而上行也。侯氏名果，字里，不詳。見李氏集解引疑唐人。

李氏集解引疑唐人。

䷗ 豫 此本復卦。虞氏曰：復初之四，謂初九往居四，六四來居初也。

䷇ 比 此本復卦。初九往居五，六五來居初。初爻云：有孚比之，无咎。有孚盈缶，終來有它吉。子夏

傳曰：非應稱它，坎爲孚，有孚謂五也。五應二，非應初，而五與初互易，本係一體，故比之无咎。終來有它吉也。漢儒多以爲比從師來，案師比反覆不衰之卦，比可云從師來，則師亦

可云從比來矣。說恐非。近儒有謂需自訟來，訟自需來者，正同此誤。

䷊ 夬 此本坤卦。象傳：剛決柔也。虞氏曰：息卦也。乾決坤。

䷫ 姤 此本乾卦。象傳：柔遇剛也。虞氏曰：消卦也。陰傷陽。

凡一陰五陽之卦，自夬姤來。

䷢ 同人 蜀才曰：此本夬卦。九二升上，上六降二，柔得位得中而應乎乾，下奉上之象。侯氏曰：九二

升上，上爲郊野，同人于野而得通，由乾行上行耳，故曰乾行。

䷉ 履 此本夬卦。九三往居上，上六來居三。五爻云：夬履貞厲，明以此卦爲自夬來矣。虞氏曰：變

訟初爲兌，蓋謂履自訟來。初六變陽也。說恐非。

䷵ 小畜 此本姤卦。初六往居四，六四來居初。姤與復旁通，故初二皆言復。復震長男爲夫，姤巽長

女爲妻。姤初往居四。巽反在外。三至五成離。離爲目。故九三夫妻反目也。虞氏曰：需上變爲巽。蓋謂小畜自需來。上六變陽也。說恐非。

三三 大有  
此本姤卦。初六往居五。九五來居初。柔得尊位。大中而上下應之。初曰无交害。五曰厥孚

交如。明二爻互易也。

三三 遯  
侯氏曰：此本乾卦。陰長剛殞。君子逃避。曰遯。

三三 大壯  
侯氏曰：此卦本坤。陰柔消弱。剛大壯長。故曰大壯。

三三 中孚  
陽息坤。陰消乾。合而爲中孚。李氏曰：乾體而坤來交。虞氏謂訟四之初。恐皆非。荀氏曰：兩巽

對合。外實中虛。鄭氏曰：中孚爲陽。貞於十一月。子小過爲陰。貞於六月。未法於乾坤。李氏名挺之字之才

宋人見朱震漢上易傳。荀氏名爽。字慈明。潁川人。漢末官司空。鄭氏名玄。字康成。北海高密人。漢末以大司農徵不至。

凡四陽二陰之卦。自遯大壯及中孚來。

三三 訟  
蜀才曰：此本遯卦。六二進居三。九三降居二。剛來而得中也。

三三 巽  
此本遯卦。六二往居四。九四來居二。虞氏曰：遯二之四。柔得位而順五剛。故小亨。

䷌ 鼎

此本遯卦六二往居五九五來居二故曰柔進而上行得中而應乎剛虞氏謂大壯上之初與象傳不合

䷌ 大過

此本遯卦六二往居上上九來居二虞氏謂大壯五之初或兌三之初說恐非

䷌ 妄元

蜀才曰此本遯卦剛自上升為主於初虞氏亦曰遯上之初二家皆以此卦爲有來無往與他卦兩爻剛柔上下者不同若解作初三互易則三非外卦傳何云剛自外來乎

䷌ 家人

此本中孚卦九二往居三六三來居二成離得正故彖曰利女貞傳曰女正位乎內虞氏曰遯初之四說恐非

䷌ 離

此本遯卦初六往居五九五來居初虞氏曰坤二五之乾於爻遯初之五柔麗中正故利貞亨

䷌ 革

此本大壯卦九二往居五六五來居二故曰革而當謂剛柔相易而各當位也虞氏曰遯上之初說恐非

䷌ 需

蜀才曰此本大壯卦六五降四有孚光亨貞吉九四升五位乎天位以正中也虞氏曰大壯四之五孚謂五離日爲光四之五得位正中故光亨貞吉

三三兌

此本中孚卦。六四往居上。上九來居四。剛中而柔外。剛中謂二五。柔外謂三上。上已之正。故曰說以利貞。二五爻皆言孚。益足明卦自中孚來矣。虞氏曰。大壯五之三。說恐非。

三三畜大

蜀才曰。此本大壯卦。剛自初升。爲主於外。剛陽居上。尊尙賢。虞氏亦曰。大壯初之上。二家皆以此卦爲有往無來。與无妄同例。惟无妄上來之初。大畜初往居上。爲異耳。或曰。卽作四上互易解亦通。

三三睽

此本中孚卦。六四往居五。九五來居四。故曰柔進而上行。得中而應乎剛也。剛謂二。虞氏曰。大壯上之三。在繫。蓋取无妄二之五也。說恐非。案在繫蓋取謂繫辭傳云。弧矢之利以威天下。蓋取諸睽。

三三臨

蜀才曰。此本坤卦。剛長而柔剝。虞氏曰。陽息至二。鄭氏曰。臨大也。陽氣自此浸而長大。蜀才曰。此本乾卦。柔小浸長。剛大在上。其德可觀。故曰大觀在上。

三三過小

陰消乾。陽息坤。合而爲小過。李氏曰。坤體而乾來交。虞氏謂從晉來。恐皆非。或者謂中孚二陰四陽。當自遯大壯來。小過二陽四陰。當自臨觀來。然考之卦之例。皆係兩爻上下。所謂剛柔相易也。其一爻獨動如无妄。大畜。損。益者。閒亦有之。從未有四爻易者。

凡四陰二陽之卦自臨觀及小過來。

䷄ 明夷

蜀才曰。此本臨卦。九二升三。六三降二。明入地中也。

䷲ 震

此本臨卦。虞氏曰。臨二之四。謂九二往居四。六四來居二也。

䷂ 屯

此本臨卦。九二往居五。六五來居二。剛柔始交也。二居五成坎。坎爲難。故曰剛柔始交而難生。漢儒多以此爲屯自坎來。說恐非。案難卽險也。近儒輯逸象皆不言坎爲難。豈因虞氏讀難爲難易之難乎。然至象傳曰。六二之難。恐難解矣。

䷒ 頤

此本臨卦。九二往居上。上六來居二。乃侯氏曰。此本觀卦。非也。虞氏曰。晉四之初。又曰。或以臨二之上。案或說是。

䷗ 升

此本小過卦。六二往居四。九四來居二。乃虞氏謂臨初之三。案象傳曰。柔以時升。如虞說則是剛升矣。六四王用亨于岐山。陸氏曰。升之六四。柔以時升。太王之德。陸氏名希聲唐人。

䷇ 解

此本小過卦。六二往居三。九三來居二。三與五成坎。坎體坤。乾二五來交。二往居三。得坤象。故

曰利西南。往得衆也。或曰。三至上。體師。本豫卦虞注。師衆也。三失位而无應。故无所往。其來反

二得正位。爲下卦中。故曰其來復吉。乃得中也。有攸往。夙吉。申言利西南之意。三五同功。故曰往有功也。虞氏以爲臨四之初。說恐非。



䷗ 坎

此本臨卦。初九往居五。六五來居初。故曰行有尚。往有功也。謂初往居五而得中也。虞氏曰。乾二五之坤。於爻觀上之二。說恐非。

䷃ 蒙

此本觀卦。六二往居五。九五來居二。漢儒多以爲蒙自艮來。說恐非。

䷋ 晉

蜀才曰。此本觀卦。九五降四。六四進五。是柔進而上行。荀氏曰。陰進居五。處用事之位。陽中之陰。侯之象也。陰性安靜。故曰康侯。虞氏亦曰。觀四之五。

䷖ 艮

此本觀卦。虞氏曰。觀五之三。謂六三往居五。九五來居三也。

䷌ 萃

此本觀卦。六四往居上。上九來居四。上自四來而乘二剛。故象傳曰。未安上也。荀氏謂此本否卦。上九陽爻見滅。說恐非。

䷊ 蹇

此本小過卦。九四往居五。六五來居四。故曰利西南。往得中也。虞氏曰。觀上反三也。坤西南卦。五在坤中。坎爲月。月生西南。故利西南。往得中。仲翔解彖傳精矣。但以爲觀上反三。

恐與往字不合。

䷊ 泰

蜀才曰。此本坤卦。虞氏曰。陽息坤。反否也。

䷋ 否

蜀才曰。此本乾卦。虞氏曰。陰消乾。反泰也。

凡三陽三陰之卦自泰否來。

䷊ 歸妹

此本泰卦。虞氏曰：泰三之四，又曰：乾三之坤四，謂九三往居四，六四來居三。彖傳曰：无攸利。柔乘剛也。指三。

䷊ 節

盧氏曰：此本泰卦。分乾九三上升，坤五分，坤六五下處乾三，是剛柔分而剛得中也。虞氏曰：泰三之五，天地交，五當位以節，中正以通，故節亨。

䷊ 損

蜀才曰：此本泰卦。坤之上六下處乾三，乾之九三上升，坤六損上益下者也。陽德上行，故曰：其道上行。案荀氏解彖傳，損而有孚云：謂損乾之三居上，孚二陰也。與蜀才合。惟虞氏云：泰初之上，損下益上，又解三爻三人行，則損一人云：泰乾三爻爲三人，損初之上，則損一人。說與蜀荀皆異。蓋謂泰之初往而爲上曰損。有往無來否之上來而爲初曰益。有來無往與无妄

大畜同例。非如他卦兩爻互易也。惠徵士云：損自泰來初之上，益自否來上之初。本義於

損卦言下卦上畫之陽，於益卦言上卦初畫之陽，皆誤。蓋主虞義。惠徵士名棟，字定宇，江蘇元和人也。

䷊ 豐

此本泰卦。九二往居四，六四來居二。虞氏謂豐從噬嗑來，說恐非。

䷊ 既濟

侯氏曰：此本泰卦。六五降二，九二升五，是剛柔正當位也。虞氏曰：泰五之二，小謂二也。柔

得中故亨小六爻得位各正性命保合大和故利貞

䷛ 賁

荀氏曰此本泰卦陰從上來居乾之中文飾剛道交與中和故亨分乾之二居坤之上上飾柔道兼據二陰故小利有攸往矣虞氏曰泰坤上之乾二乾二之坤上陰陽交故亨案荀虞解柔來剛上是已而於文字未有所解或曰物相雜故曰文然他卦之剛柔相雜者亦多矣夫子何以皆不言文而獨賁言之蓋柔來居二而下卦成離剛上居上而互卦又成離離者文明之象故曰文剛文柔耳推之而卦之名賁亦以此

䷧ 恆

蜀才曰此本泰卦六四降初初九升四是剛上而柔下也分乾與坤雷也分坤與乾風也是雷風相與巽而動也虞氏曰乾初之坤四剛柔皆應故通无咎利貞也

䷯ 井

荀氏曰此本泰卦陽往居五得坎爲井陰來在下亦爲井故曰往來井井虞氏亦曰泰初之五案此卦初九往居五六五來居初彖傳巽乎水而上水指五

䷌ 蠱

九家易曰此卦本泰虞氏曰泰初之上故剛上坤上之初故柔下乾坤交故元亨

䷴ 漸

此本否卦虞氏曰否三之四謂六三往居四九四來居三也彖傳進得位往有功也指四姚氏曰此本否卦三五交易去其本體故曰客旅荀爽曰三陰升五與陽通曰小亨蜀才

䷶ 旅

曰否三升五柔得中於外上順於剛九五降三降不失正止而麗乎明所以小亨旅貞吉

也。惟虞氏以爲兼自賁來。初之四。與噬嗑之豐同義。說恐非。

姚氏名信。卽荀氏等九家之一也。經  
典釋文載錄云。字德祐。七錄。字元直。

吳興人。吳

太常卿。

䷋ 咸

蜀才曰。此本否卦。六三升上。上九降三。是柔上而剛下。二氣交感以相與也。虞氏曰。坤三

䷋ 渙

之上成女。乾上之三成男。止而說。男下女。故通利貞。取女吉。虞氏曰。此本否卦。乾之九四來居坤中。剛來成坎。水流而不窮也。坤之六二上升乾四。柔

䷋ 未濟

得位乎外。上承貴王。與上同也。虞氏曰。否四之二成坎震。天地交。故亨。此本否卦。六二往居五。九五來居二。虞氏曰。否二之五。柔得中。天地交。亨。

䷋ 困

荀氏曰。此本否卦。陽降爲險。陰升爲說。虞氏曰。否二之上。乾坤交。故通。案李氏集解兩引九家易。此本否卦。荀氏卽九家之首也。彖傳剛揜也。指二。

䷋ 益

蜀才曰。此本否卦。乾之九四下處坤初。坤之初六上升乾四。損上益下者也。虞氏曰。否上之初也。損上益下。案二家皆謂從否來。而虞意上降爲初。有來無往。與蜀才異。餘已見損下。

䷋ 噬嗑

虞氏曰。此本否卦。乾之九五分降坤初。坤之初六分升乾五。是剛柔分也。虞氏曰。否乾五

䷐  
隨

之坤初。坤初之乾五。剛柔交故亨。侯果曰。坤之初六上升乾五。是柔得中而上行。蜀才曰。此本否卦。剛自上來居初。柔自初往升上。則內動而外說。虞氏曰。否上之初。剛來下柔初上得正。故元亨利貞。又曰。否乾上來之坤初。故剛來而下柔。

[General Information]

书名=卦本图考（胡秉虔）

作者=胡秉虔学

页数=12

SS号=11045623

出版日期=1985年第1版